

JAVNO PREDUZEĆE "VODOVOD I KANALIZACIJA" d.o.o. BANOVICI

Broj: 05-1019-1/20
Datum: 13.11.2020. godine.

PRIMLJENO: 13-11-2020			
Org. jed.	Broj	Prilog	Vrijednost
10	30-2-800	/20	

Na osnovu člana 40 Statuta JP "Vodovod i kanalizacija" d.o.o. Banovići (broj: OPU-IP: 64/11 od 24.02.2011. godine), a u skladu sa Zakonom o radu Federacije BiH ("Službene novine Federacije BiH", broj: 26/16 i 89/18), Pravilnikom o radu JP "Vodovod i kanalizacija" d.o.o. Banovići (broj: 02-42-1 /19 od 21.06.2019. godine), Odlukom o potrebi za prijem radnika u radni odnos (broj: 04-1218-1/20 od 13.11.2020. godine) i Odlukom o utvrđivanju načina i postupka procedure prijema radnika u radni odnos (broj: 04-775-1/20 od 06.08.2020. godine), direktor Javnog Preduzeća "Vodovod i kanalizacija" d.o.o. Banovići, raspisuje

JAVNI OGLAS

Za prijem radnika u radni odnos na neodređeno vrijeme u JP "Vodovod i kanalizacija" d.o.o. Banovići

I

JP "Vodovod i kanalizacija" d.o.o. Banovići, raspisuje javni oglas za prijem radnika u radni odnos, na sljedeća radna mjesta, i to:

1. Magaciner – na neodređeno vrijeme – 1 izvršioc;
2. Rukovaoc građevniskih mašina – NK radnik – na neodređeno vrijeme – 2 izvršioca.

II

Opisi poslova iz člana 1. Javnog oglasa, glase, i to:

1. "Magaciner": vrši uskladištenje materijalnih sredstava i inventara i njihovo čuvanje u magacinu; vrši pregled, zaprima i izdaje inventar, materijalna, zaštitna i druga sredstva; zaprima i izdaje alat i vodi računa o njegovoj ispravnosti; vodi analitičku evidenciju inventara; kontroliše ispravnost dokumenata u vezi sa prometom materijala (otpremnice, ulazi materijala, trebovanja, povratnice, izlaznice, izdatnice, zapisnici, reversi i sl.); vrši analizu zaliha, pravovremeno ukazuje na smanjenje zaliha i inicira nabavke kritičnih zaliha; vrši sravnjenje stanja materijalnih sredstava po kartoteci magacina sa visećom kartotekom mjesečno, a najmanje jednom u tri mjeseca sa referentom za nabavke i materijalno knjigovodstvo; odgovoran je za manjkove i viškove materijalnih sredstava koja su mu povjerena; u slučaju kvara na vodovodnoj i kanalizacionoj mreži dužan se odazvati i poslije radnog vremena na hitnu intervenciju; obavlja i druge poslove i radne zadatke po nalogu neposrednog rukovodioca.

2. "Rukovaoc građevniskih mašina – NK radnik": vrši pripreme građevinske mašine za rad; vrši upravljanje i rukovanje sa građevinskom mašinom; upravlja građevinskom mašinom u javnom saobraćaju; u saradnji sa dispačerom kontroliše ispravnost građevinske mašine; obavezan je da se pridržava propisa o bezbjednosti u saobraćaju; odgovoran je za građevinsku mašinu i ostala sredstva koja koristi za izvršavanje radnih zadataka; vrši iskop kanalskih rovova; vrši polaganje vodovodnih, kanalizacionih i ostalih vrsta cijevi; vrši utovar, istovar i prenos svih vrsta materijala, alata i opreme; vrši ručno planiranje i nabijanje zemljanog materijala; obavlja pomoćne poslove svim strukama kvalifikovanih radnika; vrši spravljanje maltera, prenos betona i ostalog materijala; vrši rušenje, štemanje i razvaljivanje betonskih zidova, temelja, blokova i sličnog materijala; vrši odštopavanje vodovodnih i kanalizacionih cijevi, slivnika, šahtova i dr.; savjesno rukuje sa alatima, opremom, uređajima i drugim sredstvima rada; po potrebi vrši očitavanje utrošenih količina vode korisnika i stanja sa vodomjera unosi u terensku knjigu očitavanja; obavlja sve vrste poslova za kojima se ukaže potreba i za koje nije potrebna stručna kvalifikacija; koristi opremu i primjenjuje mjere za zaštitu zdravlja i lične sigurnosti u obavljanju poslova; u slučaju kvara na vodovodnoj i kanalizacionoj mreži dužan se odazvati i poslije radnog vremena na hitnu intervenciju; obavlja i druge poslove i radne zadatke po nalogu neposrednog rukovodioca

III

Kandidati koji se prijavljuju na oglas potrebno je da ispunjavaju opšte i posebne uslove i to:

1. Opšti uslovi:

- da je državljanin BiH i da ima prebivalište u BiH;
- da je stariji od 18 godina;
- da je zdravstveno sposoban za obavljanje poslova radnog mjesta (dostaviće onaj kandidat koji bude izabran prije prijema u radni odnos).

2. posebni uslovi

Za radno mjesto pod rednim brojem 1. i nazivom: "Magaciner":

- da ima završenu srednju školu za kvalifikovane radnike, III stepen stručne spreme;
- da ima najmanje 6 mjeseci radnog iskustva.

Za radno mjesto pod rednim brojem 2. i nazivom: "Rukovaoc građevničkih mašina – NK radnik"

- da ima završenu srednju školu za kvalifikovane radnike, III stepen stručne spreme;
- da ima najmanje 6 mjeseci radnog iskustva.

IV

Uz prijavu na oglas, kandidati su dužni dostaviti:

- prijavu na oglas sa kraćom biografijom ;
- uvjerenje o izvodu iz matične knjige rođenih;
- uvjerenje o državljanstvu;
- potvrdu o prebivalištu CIPS-ova;
- diploma o završenom školovanju, potrebna za radno mjesto na koje se prijavljuje;
- uvjerenje/potvrdu o radnom iskustvu

Kandidati uz potrebnu dokumentaciju mogu dostaviti i druga odgovarajuća dokumenta kojima dokazuju prednost / prioritet u zapošljavanju (potvrde, uvjerenja i sl.) i pozvati se na poseban zakon po kojem imaju prednost.

Sva dokumenta dostaviti u originalu ili ovjerenoj fotokopiji (ukoliko kandidati dostavljaju fotokopiju potrebno je da ovjera nije starija od 3 mjeseca računajući do dana objave oglasa).

Sa kandidatima koji budu ispunjavali formalno –pravne uslove, komisija za provođenje postupka izbora i prijema radnika, u skladu sa opštim kriterijima za prijem radnika u radni odnos u JP "Vodovod i kanalizacija" d.o.o. Banovići, obaviće intervju (usmeni test) nakon čega će sačiniti rang listu kandidata.

Sa kandidatima koji budu izabrani i primljeni u radni odnos, zaključit će se ugovor o radu na neodređeno vrijeme, a prije zaključivanja ugovora o radu kandidati su dužni dostaviti ljekarsko uvjerenje nadležne zdravstvene ustanove o zdravstvenom stanju i radnoj sposobnosti za obavljanje poslova radnog mjesta na koje su izabrani.

Kandidati će biti pismeno obaviješteni o rezultatima oglasa, a priložena dokumentacija neće se vraćati.

V

Javni oglas se objavljuje u dnevnim novinama "Oslobođenje" i isti ostaje otvoren 8 (osam) dana od dana objavljivanja.

Također, javni oglas će biti dostavljen i JU "Služba za zapošljavanje" TK, koja će izvršiti objavu oglasa putem svoje web stranice, kao i oglasne ploče u poslovnici Banovići.

Prijavu sa traženom dokumentacijom, koja mora biti na jednom od zvaničnih jezika u BiH, dostaviti lično ili putem pošte preporučeno na adresu:

Javno preduzeće "Vodovod i kanalizacija" d.o.o. Banovići, Adresa: Školska, broj: 2, 75290 Banovići, sa naznakom "Prijava na oglas na radno mjesto pod rednim brojem _____ NE OTVARAJ".

Nepotpune, neuredne i neblagovremene prijave i prijave kandidata koji ne ispunjavaju uslove ovog Javnog oglasa, kao i kopije dokumentacije koje nisu ovjerene kod nadležnog organa neće se uzeti u razmatranje.

